

Early Childhood Connector | Lub Caij Nplooj Zeeg Xyoo 2023

Koj tsab ntawv xov xwm peb lub hlis twg ntawm kev saib xyuas me nyuam yaus thiab kev kawm thaum ntxov.

Muaj nyob rau hauv tsab ntawv xov xwm no

Early Childhood Connector Lub Caij Nplooj Zeeg Xyoo 2023	1
Early Childhood Connector Zoo Siab Txais tos	1
Early Childhood Connector Calls	2
Tam sim no Compensation Support Payments muaj kev pab cuam mus tas li rau cov kws muab kev pab cuam saib xyuas me nyuam	3
Child Care Regulation Modernization hloov tshiab rau kev saib xyuas me nyuam uas taus txais ntawv tso cai	3
Qhov tseem ceeb ntawm kev pw tsaug zog uas muaj kev nyab xeeb	4
Lub Xeev nqis peev hauv Kev Kawm Ntawv Thaum Txov	5
Tus nqi pab saib xyuas me nyuam thiab cov nqi sau npe tau hloov pauv thaum Lub Kaum Hli	6
Cov peev txheej rau tsev neeg, me nyuam yaus thiab cov kwx muab kev pab cuam	6
Puas muaj lus nug?	6
Puas muaj lus tawm tswv yim?	6

Early Childhood Connector Zoo Siab Txais tos

Ua tsaug rau koj rau npe rau tsab ntawv xov xwm ntawm Early Childhood Connector! Minnesota Children's Cabinet thiab Departments of Education, Health thiab Human Services tau tsim tsab ntawv xov xwm no los txhawb kev sib txuas lus rau cov kws muab kev pab cuam saib xyuas me nyuam thiab cov kws qhia ntawv ntxov hauv Minnesota. Cov kws muab kev pab cuam thiab cov kws qhia ntawv ntxov tuaj yeem cia siab tias yuav muaj

tsab ntawv xov xwm peb lub hlis twg thiab qee qhov kev hloov tshiab hauv email ntxiv. Thov ua daim ntawv soj ntsuam ntawm tus kab txuas hauv qab ntawm tsab ntawv xov xwm no qhia rau peb paub seb koj xav li cas ntawm cov ntsiab lus thiab peb tuaj yeem txhim kho peb qhov kev sib txuas lus tau li cas.

Early Childhood Connector Calls

Lub Cuaj Hli, lub xeev tau ua tus thawj hauv rooj sib tham Early Childhood Connector Call thawj zaug txhawm los teb cov lus nug txog kev saib xyuas me nyuam uas cuam tshuam txog kev cai lij choj, ntawv tso cai, cov khoos kas, nyiaj pab thiab lwm yam. Lub hom phiaj ntawm Connector Calls yog los teb cov lus nug kom meej los ntawm cov kws muab kev pab cuam thiab txhim kho kev sib txuas lus hauv xeev. [Kev hu xov tooj yuav raug kaw suab cia thiab muaj nyob rau ntawm nplooj wev xaib Early Childhood Connector.](#)

Cov kws qhia ntawv ntawm txhua hom raug caw tuaj koom lub koob tsheej. Peb zoo siab txais tos mloog cov lus nug los ntawm cov khoos kas uas muaj ntawv tso cai, lub chaw ua hauj lwm uas tau txais kev lees paub ntawm khoos kas uas tau txais kev zam, cov kws muab kev pab cuam tsis muaj ntawv tso cai raws kev cai lij choj, Tus Saib Xyuas Tsev Neeg, Cov phooj ywg thiab cov neeg nyob ze thiab cov tib neeg xav pib ua lag luam saib xyuas me nyuam.

Koom nrog peb ntawm Early Childhood Connector Call tom ntej

- **Hnub yuav hu tom ntej:** Hnub Tuesday, Lub Ib Hli. Hnub Tim 23, 2024, 7:00 teev tsaus ntuj Lub Sij hawm Nruab Nrab
- **Qhov twg:** Tuav saum huab cua ntawm WebEx
- **Tus kab txuas kev sib tham:** <https://minnesota.webex.com/minnesota/j.php?MTID=mf60d07708da1e68a68509044d46cef20>
- **Lub hom phiaj:** Txhawm rau lub xeev los teb cov lus nug kom meej rau cov kws muab kev pab cuam saib xyuas me nyuam thiab cov kws qhia ntawv ntxov. Lub xeev yuav tsis daws qhov kev khuam siab ntawm tus kheej hauv lub sij hawm no.
- Thov [xa koj cov lus nug rau ntawm no](#). Cov lus nug yuav tsum xa ua ntej pib lub koob tsheej; peb yuav tsis teb cov lus nug thaum ua lub koob tsheej lawm. Peb yuav ua qhov zoo tshaj plaws los teb txhua cov lus nug raws li lub sij hawm tso cai. Thov xa koj cov lus nug ob lub lis piam ua ntej hu hauv Lub Ib Hlis ntuj. tim10, 2024.

Thov sau hnub tim thiab tus kab txuas kev sib tham ntawm koj daim zwj qhia hnub; lub xeev yuav tsis xa daim ntawv caw lub koob tsheej. Kev hu yuav raug kaw suab cia thiab muaj kev pab cuam ib ntus rau cov neeg tuaj koom tsis tau.

[Kawm paub ntxiv txog Early Childhood Connector Calls, suav nrog cov hnub uas yuav los txog, thiab xa koj cov lus nug ntawm no.](#) Vam tias peb yuav tau ntsib koj hauv kev hu xov tooj tom ntej!

Tam sim no Compensation Support Payments muaj kev pab cuam mus tas li rau cov kws muab kev pab cuam saib xyuas me nyuam

[Great Start Compensation Support Payment Program tshiab](#) tau pib thaum Lub Kaum Hli 2023 rau cov kws muab kev pab cuam saib xyuas me nyuam uas muaj qhov ua tau zoo. Lub khoos kas no zoo li Child Care Stabilization Base Grants thiab compensation support payments **muaj mus tas li** txhawm rau nce nyiaj rau cov kws qhia ntawv thaum ntxov; kev them nyiaj yuav yog \$375 hauv ib hlis hauv FTE txog rau lub Rau Hli Ntuj 2024. Early childhood educators thiab kev lag luam yog qhov tseem ceeb rau kev lag luam thiab zej zog kom vam meej. Lub hom phiaj ntawm khoos kas yog txhawm rau nce nyiaj hli thiab nyiaj tau los ntawm early childhood educators kom Minnesota muaj cov neeg ua hauj lwm fab saib xyuas me nyuam muaj zog.

Cov kws muab kev pab cuam saib xyuas me nyuam tau txais kev txhawb qa kom kawm paub ntau ntxiv thiab thov Compensation Support Payments. Cov kws muab kev pab cuam tau txais kev them nyiaj txhua lub hli thiab Department of Human Services tau xa email rau cov neeg muab kev pab cuam tsim nyog rau daim ntawv thov tshwj xeeb txhua lub hlis. Compensation Support Payments muaj rau cov kws muab kev pab cuam saib xyuas me nyuam hauv tsev neeg uas muaj ntawv tso cai, cov chaw saib xyuas me nyuam uas tau txais ntawv tso cai, thiab cov chaw saib xyuas me nyuam uas muaj ntawv pov thawj zoo nrog lub xeev los sis lawv haiv neeg. Cov nyiaj tau txais txiaj ntsig yog nyob ntawm tag nrho ntawm FTEs nrog rau cov nyiaj tau los ntawm FTE. Ib tus neeg tuaj yeem lav ris FTEs tau siab tshaj plaws yog ob zaug.

Raws li lub khoos kas tshiab no, cov kws muab kev pab cuam tsis muaj ntawv tso cai raug kav cai lij choj muaj cai tau txais \$500 Kev Them Nyiaj ib Tsis Muaj raws kev Cai Lij Choj. Cov kev them nyiaj no yog tsim los pab cov kws muab kev pab cuam tsis muaj ntawv tso cai raws li kev cai lij choj uas sau npe tshiab txhawm los pab them cov nqi sau npe thiab npaj lawv qhov chaw saib xyuas.

Kawm paub ntau ntxiv txog Great Start Compensation Support Payment Program [hauv nws nplooj vev xaib](#) los sis [nplooj vev xaib Cov Lus Nug Lus Teb Uas Nquag Ntsib](#). Yog tias koj muaj lus nug uas tsis tuaj yeem teb rau ntawm lub vev xaib, hu rau Child Care Aware tau ntawm 651-290-9704 los sis nrog tus email ntawm supportfunds@childcareawaremn.org. Koj tseem tuaj yeem xa cov lus nug rau tom ntej [Hu Rau Early Childhood Connector](#).

Child Care Regulation Modernization hloov tshiab rau kev saib xyuas me nyuam uas taus txais ntawv tso cai

Child Care Regulation Modernization Project txhawm rau tsim kom muaj kev sib raug zoo thoob plaws hauv lub xeev ntawm kev ua daim ntawv tso cai, tso cai rau cov khoos kas uas muaj cai tau txais kev soj ntsuam luv luv rau kev ua tau zoo, thiab kho cov lus tso cai uas qub kom tshiab. Lub khoos kas muaj peb yam feem tshuam:

- Lub laj txheej ua txhaum li kev faib raws kev pheej hmoo (tseem hu tias Weighted Risk System)
- Kev soj ntsuam luv luv (tseem hu tais Key Indicator System)
- Hloov kho cov qauv ntawv tso cai.

Minnesota Department of Human Services tau cog lus nrog Cov koom hoom hauv teb chaws rau kev tswj hwm txoj cai los pab tsim cov feem tshuam no rau ob qhov chaw saib xyuas me nyuam hauv tsev neeg thiab chaw saib xyuas me nyuam.

Pab pawg khoos kas tsis ntev los no tua tuav los ntawm WebEx [kev nthuav qhia](#) txhawm los tham txog txhua feem tshuam kom tob thiab teb cov neeg tuaj koom cov lus nug. Lub Yim Hli Ntuj. Tim 16, 2023 [Cov ntaub ntawv lus nug thiab lus teb](#) muaj nyob rau ntawm peb [lub khoos kas lub vev xaib](#). Yog tias koj muaj lus nug cuam tshuam txog khoos kas thiab tej feem suam, thov hu rau peb ntawm ceregmodernization.dhs@state.mn.us.

Qhov tseem ceeb ntawm lub khoos kas uas tseem ceeb uas tab tom yuav tshwm sim (Ceeb toom: cov no yog cov hnub xam tau cia thiab yuav raug hloov raws li qhov xav tau ntawm lub khoos kas):

- **Peb Hlis 2024:** Daim ntawv hloov kho cov qauv ntawv tso cai tso tawm rau pej xeem tawm tswv yim
- **Lub caij nplooj ntoos hlav 2024:** Cov ntsiab lus hais txog kev ua raws li kev soj ntsuam luv luv los qhia rau cov kws muab kev pab cuam, suav nrog cov cai thiab cov txheej txheem thiab cov txheej txheem ntawm kev muaj cai tsim nyog.

Txhawm rau raws li lub cib fim uas muaj feem cuam tshuam nrog kev koom tes, thov sau npe rau [Cov Chaw Saib Xyuas Me Nyuam Txoj Cai Modernization listserv](#) los sis [Sau Npe Rau Kev Saib Xyuas Me Nyuam Ntawm Tsev Neeg Modernization listserv](#).

Qhov tseem ceeb ntawm kev pw tsaug zog uas muaj kev nyab xeeb

Txhawm rau kev txhawb nqa hauv lub lim tiam kev pw tsaug zog uas nyab xeeb ntawm cov me nyuam hauv Minnesota's, Minnesota Department of Health tau txhawb nqa txhua tus neeg saib xyuas me nyuam mos kom mloog cov kws kho mob hais txog txoj hauv kev zoo tshaj plaws kom cov me nyuam tsaug zog yam nyab xeeb.

Thaum Lub Rau Hli 2022, American Academy of Pediatrics tau tshaj tawm cov lus qhia txog kev pw tsaug zog uas nyab xeeb rau kev tsim kho txhawm tiv thaiv kev tag lub neej txoj sia ntawm tus me nyuam mos uas cuam tsua txog tuag kev pw tsaug zog. Cov lus pom zoo txuas ntiv txhawb nqa ABCs ntawm kev pw tsaug zog yam nyab xeeb:

- **IB LEEG:** Cov me nyuam mos yuav tsum pw los yog pw ib leeg - tsis txhob siv txaj ua ke los sis pw ib lub txaj nrog lwm tus
- **ROV QAB:** Nco ntsoov muab tus me nyuam mos pw ua ntsais los sis pw tsaug zog
- **LUB TXAJ ME NYAUM MOS:** Cov me nyuam mos yuav tsum tau pw los sis pw hauv txaj pw me nyuam mos, lub chaw ua si los sis txaj pw uas nqa tau uas tau pom zoo los ntawm kev nyab xeeb rau tu kheej uas tsis muaj pam vov los sis hauv ncoo. Txhawm rau kom ib ce sov thaum lub caij ntuj no hauv Minnesota, cov niam txiv yuav tsum hnav cov qhob ncaw pw los sis lwm yam khaub ncaws uas tsim nyog rau qhov sov ntawm tus me nyuam mos.

Nyob nruab nrab ntawm 2014 txog 2021, Minnesota muaj cov me nyuam mos tau tag sim neej uas tsis nco faj nruab nrab 46 tus me nyuam mos ntawd txhua xyoo. Yuav luag tag nrho ntawm kev tag lub neej txoj sia uas txaus tu saib ntawd tau tshwm sim hauv qhov chaw pw tsis nyab xeeb. Kev tag lub neej txoj sia tam sim ntawm

cov me nyuam mos uas tsis xav txog hauv Minnesota yog qhov tiv thaiv tau. Kawm paub ntau ntxiv ntawm [Sudden Unexpected Infant Deaths \(Includes SIDS and Sleep-Related Infant Deaths\) and Safe Sleep - MN Dept. of Health \(state.mn.us\)](#)

Cov qauv kev pw tsaug zog zoo rau cov kev saib xyuas me nyuam uas muaj ntawv tso cai

[Minnesota Tsab Niam Cai, ntu 245A](#), xav kom cov kws muab kev pab cuam saib xyuas me nyuam muaj ntawv tso cai ua raws li cov qauv kev pw tsaug zog tshwj xeeb, kev tshuaj xyuas lub txaj pw, kev saib xyuas kev pw tsaug zog thiab kev cob qhia rau kev ua hauj lwm nrog me nyuam mos.

Hauv kev siab tham cai lij choj xyoo 2023, cov lus tshiab tau **ntxiv los** hauv [Minnesota Tsab Niam Cai, ntu 245A.1435](#), to ua raws li American Academy of Pediatrics cov lus pom zoo rau me nyuam mos pw tsaug zog yam nyab xeeb thiab muab kev pom tseeb dua rau cov neeg tuav daim ntawv tso cai. [Txoj cai tshiab](#) tau pib siv txij Lub Ib Hlis Ntuj. Tim 1, 2024.

- Tus me nyuam mos hnuv nyoog qis dua ib xyoos mu pw, lub me yas ntawm tus me nyuam mos yuav tsum tsis muaj dab tsi lo, thiab tus me nyuam mos cov khaub ncaws los sis khaub ncaws hnav pw yauv tsum tsis muaj cov khoom hnyav, lub kos mom, los sis lub hnab.
- Tus me nyuam mos muaj hnuv nyoog qis dua ib xyoos tuaj yeem rau lub kaus mom tiv thaiv thaum pw tsaug zog yog tias tus tuav daim ntawv tso cai muaj cov ntaub ntawv tshwj xeeb.
- Txhais hom lus yooj yim ntawm kev qhww me nyuam tau muab tso rau hauv txoj cai, nrog rau kev pom meej ntawm hom khaub ncaws hnav pw uas tsim nyog rau kev qhww me nyuam.
- Cov neeg tuav daim ntawv tso cai tuaj yeem thov qhov sib txawv kom tso cai siv lub txaj pw me nyuam mos yog tias thov los ntawm niam txiv los sis tus neeg saib xyuas qhov chaw nyob kab lis kev cai.

Cov ntaub ntawv ntxiv txog kev pw tsaug zog yam nyab xeeb thiab lwm yam kev tso cai yuav tsum muaj nyob rau ntawm txhua nplooj ntawv saib xyuas me nyuam uas muaj ntawv tso cai: [nplooj vev xaib Daim Ntawv Tso Cai Kev Saib Xyuas Me Nyuam](#), [nplooj vev xaib Daim Ntawv Tso Cai Kev Saib Xyuas Me Nyuam Ntawm Tsev Neeg](#) thiab [Kev Pab fab Ntawv Tso Cai Kev Saib Xyuas Me Nyuam](#).

Cov ntawv uas cuam tshuam txog kev xav tau kev tsaug zog nyab xeeb uas siv rau cov chaw saib xyuas me nyuam muaj ntawv pov thawj, thov saib [Minnesota Tsab Niam Cai, ntu 245H.14, subd. 2](#). Rau kev saib xyuas me nyuam uas tsis muaj ntawv tso cai raug cai, tuaj yeem mu saib cov ntaub ntawv ntxiv txog qhov yuav tsum tau muaj nyob hauv [Minnesota Child Care Assistance Program \(CCAP\) Phau Ntawv Qhia Txoj Cai 11.9 Cov Kws Muab Kev Pab Cuam Tsis Muaj Ntawv Tso Cai Raug Cai](#).

Lub Xeev nqis peev hauv Kev Kawm Ntawv Thaum Txov

Minnesota tau nqis peev tseem ceeb hauv Kev Kawm Ntawv Thaum Txov hauv kev sib tham kev cai lij choj 2023. Lub xeev tab tom nqis peev ze li \$200 lab hauv xyoo nyiaj txiag 2024-25 thiab \$59 lab txhua txhua ob lub xyoos txuas ntxiv txhawm rau nce Cov Nyiaj Txiag Kawm Ntawv Thaum Ntxov. Dhau ntawd kuj tseem muaj kev hloov pauv tseem ceeb rau txoj lub khoos kas, suav nrog:

- Muab txoj cai thiab qhov tseem ceeb rau cov me nyuam, nyuam qhuav yug los txog rau hnuv nyoog 3 xyoos
- Ntxiv cov kev pab cuam tiv thaiv me nyuam raws li qhov tsim nyog tau txais txiaj ntsig (tsis muaj kev nthuav qhia ntxiv ntawm tsev neeg cov nyiaj tau los)
- Ntxiv pawg tseem ceeb rau cov me nyuam uas muaj tus neeg saib xyuas uas raug kaw, yog nyob rau hauv kev kho mob hlwb los sis kev siv tshuaj yeeb dawb, los sis tau ntsib kev tsim txom hauv tsev.
- Nce cov nyiaj pab kawm ntawv rau cov me nyuam uas koom Parent Aware-rated program plaub lub hnuv qub rau 75 feem pua ntawm cov nqi kiab khw
- Txo cov sij hawm uas tsev neeg yuav tsum tau rau npe rau hauv early childhood program kom siv tau cov nyiaj pub dawb los ntawm 10 lub hlis mus rau peb lub hlis
- Kev nce cov nyiaj tau los txwv rau 85 feem pua ntawm cov nyiaj tau los nruab nrab thaum uas muab kev tseem ceeb rau cov tsev neeg ntawm cov nyiaj tau los tam sim no 185% ntawm tsoom fvw cov lus qhia kev txom nyem
- Kev nqis peev txog \$5 lab ib zaug thiab \$ 750,000 txuas ntxiv mus tsim cov laj tsheej thev naus laus zis, suav nrog tab sis tsis txwv rau kev thov online, kev tswj hwm rooj plaub, kev tuaj koom thiab kev them nyiaj hauv nruab nrab.

Cov kev hloov no txhais tau hais tias ntau tus me nyuam yuav tau txais qhov kev xav tau fab kev kawm thaum ntxov los ntawm Cov Peev Rau Kev Kawm Thaum Ntxov. Lub xeev tab tom txhim kho lub laj txheej kev muab qhab nia qhov ua tau zoo ntawm Minnesota, Parent Aware, thiab daim ntawv tso cai yuav tsum tau ua kom haum rau cov me nyuam yaus uas siv nyiaj pub dawb. Pib txij Lub Xya Hli. Tim 1, 2026, tag nrho cov kws muab kev pab cuam saib xyuas me nyuam uas muaj ntawv tso cai yuav tau txais Parent Aware Rating, tshwj tsis yog lawv xaiv tsis koom. Lub xeev yuav tshaj tawm cov cij fim rau cov neeg muab kev pab cuam los koom nrog Parent Aware thiab tau txais Cov Peev Rau Kev Kawm Thaum Ntxov 2024.

Tus nqi pab saib xyuas me nyuam thiab cov nqi sau npe tau hloov pauv thaum Lub Kaum Hli

Child Care Assistance Program muab kev pab fab nyiaj txiag los pab cov tsev neeg kom muaj nyiaj tuaj yeem them nqi saib xyuas me nyuam kom cov niam txiv tuaj yeem ua hauj lwm los sis kawm paub ua hauj lwm tau. Cov kws muab kev pab cuam saib xyuas me nyuam uas pab cuam cov tsev neeg uas koom nrog kev pab saib xyuas me nyuam tuaj yeem tau txais kev them nyiaj siab tshaj plaws.

Hauv kev sib tham dhau los, Minnesota tau nqis peev keeb kwm hauv kev saib xyuas me nyuam thiab kev kawm ntxov, suav nrog kev hloov Minnesota txoj cai lij choj hais txog Kev Pab Cuam Me Nyuam. Txoj cai tshiab, pib thaum Lub Kaum Hli Ntuj, Tim 30, 2023, yuav tsum tau muab cov nqi teev nyob rau ntawm 75 feem pua ntawm 2021 Kev soj ntsuam Tus Nqi Kiab Khw thiab hloov kho txhua peb lub xyoos.

Kwv yees li 90% ntawm tus nqi siab tshaj plaws thiab 80% ntawm cov nqi sau npe yuav nce ntxiv. Cov cheeb tsam nroog thiab cov nroog ntawm Sartell thiab St. Cloud tej zaum yuav pom qee qhov tab sis tsis yog txhua qhov kev nce siab tshaj plaws. Piv txwv li, tus nqi siab tshaj plaws ntawm lub cheeb tsam nroog rau kev saib xyuas me nyuam mos hauv ib lub chaw yuav nce ntxiv, thaum qhov siab tshaj plaws rau kev saib xyuas me

nyuam yaus ua ntej kawm ntawv hauv ib lub chaw tseem zoo sib npaug li qub. Tsis muaj cov nqi siab tshaj plaws yuav txo qis.

Tuaj yeem pom cov nqi siab tshaj plaws tshwj xeeb tau ntawm:

- Minnesota Child Care Assistance Program Tus Qauv Uas Siab Tshaj plaws – Tsis Muaj Qhov Ua Tau Zool ([DHS-6441E-ENG](#))
- Minnesota Child Care Assistance Program – 15% Cov Nqi Sib Txawv Siab Tshaj Plaws ([DHS-6442E-ENG](#))
- Minnesota Child Care Assistance Program – 20% Cov Nqi Sib Txawv Siab Tshaj Plaws ([DHS-6824C-ENG](#))

Department of Human Services tam sim no tab tom soj ntsuam tus nqi kiab khw 2023 rau cov kev pab cuam saib xyuas me nyuam hauv Minnesota. Cov neeg muab kev pab cuam yuav tau koom nrog qhov ruab rab Child Care Assistance Program tau raug cuam tshuam raws li cov kws muab kev pab cuam uas tau thov kom them rau lawv cov kev pab cuam kom yog. **Koom nrog hnuv no los nkag koj lub laj txheej [Cov Cuab Yeej Tsim Khoos Tus Kws Muab Kev Pab Cuam Me Nyuam Aware](#) thiab ua Kev Soj Ntsuam Tus Nqi Kiab Khw.** Cov neeg siv tam sim no yuav tsum mus hauv Cov Cuab Yeej Hloov Kho thiab nkag mus huav lub laj txheej nrog cov ntawv pov thawj ntawm tus kheej. Cov neeg siv tshiab yuav tsum qhib siv tus av khauj ntiag tug uas siv tus lej ntawv tso cai thiab email chaw nyob uas Child Care Aware of Minnesota muaj nyob rau hauv cov ntaub ntawv. Yog tias koj xav tau kev pab nkag rau hauv los sis qhib koj tus av khauj, thov xa email UpdateTool@childcareawaremn.org.

Cov peev txheej rau tsev neeg, me nyuam yaus thiab cov kws muab kev pab cuam

- [Cov kev pab ntiv rau tsev neeg, cov kws muab kev pab cuam thiab cov zej zog](#)
- [Pab Kuv Txuas](#)
- [Chaw Ua Hauj Lwm Daws Teeb Meem rau Cov Kws Saib Xyuas Me Nyuam Hauv Tsev Neeg](#)

Puas muaj lus nug?

Email ccs.communications.DHS@state.mn.us nrog cov lus nug.

Puas muaj lus tawm tswv yim?

Qhia rau peb paub koj cov kev xav ntawm tsab ntawv xov xwm no [los ntawm daim ntawv soj ntsuam luv luv](#). Koj cov lus teb yuav pab lub xeev txhim kho txoj kev sib txuas lus nrog cov kws saib xyuas me nyuam thiab cov kws qhia ntawv ntxov.